

ಪೌಲನು ಫಿಲೆಮೊನನಿಗೆ ಬರೆದ ಪತ್ರಿಕೆ ಫಿಲೊಮನನೆ ಬರ್ದಲ ಪತ್ರ

ವಳಕ

ಬರ್ದಲ ಪತ್ರ ಕವಾನು ನ್ಹಾನಾ ಧರಮ ಸ್ತಲ ಪೌಲ ಬರ್ದಲ ರ್ಹು 1:1 ಎ ಪತ್ರ ಪೌಲ ಜೆಲ ವ್ಹತ ಎ ತಿಮ್ಮ ರ್ಹಯಲ ಹುತ ಹುತಿ ಘನ್ನ ಭಾಶಣಾಕರಾಲೊ ತೆ ಎ ಪತ್ರ ರೊಮ ಗಾಮ ಬರ್ದಲ ತಿನಾಹುತಿ. ತೆ ರೊಮಮಾ ರ್ಹಯಲ ಎ ಕ್ರಿಸ್ತ ಹುಟ್ಟಲ 61 ವರಕ್ಹ ಥಯಲ್ವರ ಬರ್ದಲ ರ್ಹು ಬರ್ದಲ ಪತ್ರ ಎ ತಿನಾಹುತಿ ಟೈಮ ರ್ಹು ಎ ಪತ್ರ ಕವಾಲ ಯಕ್ ಮನಕ್ಹ ಬರ್ದಲ ರ್ಹು ಯಕ್ ವ್ಹತ ರ್ಹಮಾಲಕ ವ್ಹತ. ಪೌಲ ತಿನಾ ಆಳ ಲಿಂಗತ ಕವಾಲಾನೆ ಶಿಕ್ಷಾ ದಿವ ನೈ ಕೈನ ಮುಲಕ ತೆ ನಾಮ ಹುತ ಹುತಿ ತಿನಾಹುತಿ ಬಲೌ. ತಿನಾಹುತಿ ಕದ್ಯಾಮ ಕ್ಲಚೊರಿ ನೈ ಕರಾ ಹಮೊನೆ ತಿನೆ ಗಯಾ. ರೊಮ ಧರಮ ಲಿಂಗತ ಫಾಲ ನೈ ಮರಲ ಶಿಕ್ಷಾ ದಿವಾನು ಹಕ್ಕ ವ್ಹತ. ಪೌಲ ಯಕ್ ಬರೊಕ್ಹ ಬೈ ಕೈನ ವಪ್ಪಿ ಕೈನ ವರಿ ಪೌಲ ತ್ಯುನೊಕನ ಯಕ್ ರ್ಹು ಸೆವ ನೈ ಕರಾ ಛೊಡಿನ ದಿವ ಕೈನ ಸಲಹೆ ದಿವಾನು ಕವಾ ಕರಸ. 1:13-14

ಪಿಠಿಕೆ

- 1) ಪೌಲ ವಂದ ಕವಸ. 1:1-3
- 2) ತೆ ಥಯಲ್ವರ ಪೌಲ ಯಕ್ ಬರೊಕ್ಹ ಸೆವ ಲಿಂಗತ ಕೈನ ಮಾಂಗ ಸುಜ್ಞ. 1:4-21
- 3) ಪೌಲ ನೈ ತಿನೆ ಕೈನ ಉದ್ದೆಶ ಕವಾ ವರಿ ವಂದ ಕವಾ ಪತ್ರ ಖಲಾಸ ಕರಸ. 1:22-25

¹ ಯೆಸು ಕ್ರಿಸ್ತನಾ ಹುತಿ ಜೆಲ್ಮಾ ರ್ಹಯಲ ಪೌಲ ವರಿ ಬೈ ಥಯಲ ತಿಮೊಥಿಕ್ಹ ಹಮಾರೊ ಮಯಾನೊ ವರಿ ಕ್ಹಾತೆ ಸೆವಾ ಕರಾನಾ ತುನೆಬಿ ,

² ವರಿ ಭೆನ ಥಯಲ ಅಪ್ಪಿಯಳನೆ, ಹಮಾರಾ ಕ್ಹಾತೆ ಹೊರಾಡಾಲಾ ಅರ್ಖಿಪ್ಪನೆ ವರಿ ತುಮಾರಾ ಘರಮಾ ಮಳಿನ ಆಯಲ ಸಭೆನೆ ಬರ್ದಾನು ಸು ವ್ಹೈ ಕದ್ಯಾಮ;

3 ಅಪೊಬಾ ಧಯಲ ಕ್ಹುದಾ ವರಿ ಪ್ರಭು ಯೆಸು ಕ್ರಿಸ್ತ ಮರಗಾ ಶಾಂತ ತುಮಾರಾ ಕ್ಹಾತೆ ರ್ಹವಾದೆ.

4 ಮಾರಿ ಪ್ರಾಥನಾಮಾ ತುನೆ ಹಮೆಶಾಬಿ ಶೆ ಕರ್ಲಿನ ತಾರಾಹುತಿ ಕ್ಹುದಾನೆ ಸ್ತೊತ್ರಾ ಕೌಸ.

5 ಕ್ಹುದಾನಾ ಪವಿತ್ರ ಮನಕ್ಹೊಪರ ತುನೆ ಮಯಾ. ವರಿ ಪ್ರಭು ಯೆಸುಮಾ ರ್ಹಯಲ ತಾರೊ ಬರೊಕ್ಹೊದೆಕಿನ ಕ್ಹುದಾನೆ ಸ್ತೊತ್ರಾ ಕೌಸ.

6 ತು ತಾರೊ ಬರೊಕ್ಹೊ ಹಮೆಶಾಬಿ ವಾಟಿಲಿವಾನಾ ಮುಲಕ ಕರ್ಗಸ್ತಮಾ ಅಪೊನೆ ರ್ಹಯಲ ಕ್ಹಾರಿಯೊ ಭೊಕಿ ವರಾ ಕಲ್ಯೆಲಿವಾದೆ ಕೈನ ಮಿ ಪ್ರಾಥನಾ ಕರುಸ.

7 ಮಾರಾ ಭೈ ಕ್ಹುದಾನಾ ಮನಕ್ಹೊ ತು ಮಯಾ ದೆಕಾಡಿನ ತ್ಯುನಾ ಮನ್ನೊನೆ ಸಮಾಧಾನ ಕರಲ ದೆಕಿನ ಮನೆ ಘನ್ನಿ ಖುಶಿ ಧೈಸ.

8 ತು ಕರಾನು ಯಕ್ಕ ಕಾಮ ಛಿ ತು ತೆ ಕಾಮ ಕುರಜ ಕವಾನು ಮನೆ ಆಗನ್ಯಾ ದಿವಾನೆ ಯೆಸು ಕ್ರಿಸ್ತಮಾ ಅದಿಕಾರ ಛಿ.

9 ತೆ ನೈಸೊ ಮಿ ತುನೆ ಆಗನ್ಯಾ ದಿದ್ಯಾವಾಚಿ ಮಯಾಕ್ಹು ತುಕನ ಮಾಂಗಿಲಿವಾಡ್ಯೊಸ. ಪೌಲಾ ಧಯಲ ಮಿ ಹಮ್ಮಾ ಗಡಿಯೊ ಧೈಗಯೊಸ. ವರಿ ಮಿ ಕ್ರಿಸ್ತ ಯಸುನಾ ಹುತಿ ಮಿ ಜೆಲ್ಮಾ ಛಿ.

10 ಮಾರೊ ದಿಕ್ರೊ ಧಯಲ ಒನೆಸಿಮನನಾ ಹುತಿ ತುಕನ ಮಾಂಗಿಲಿವಾಡ್ಯೊಸ. ಮಿ ಜೆಲ್ಮಾ ರ್ಹತಾಮಾ ತೆ ಮಾರೊ ದಿಕ್ರೊ ಧಯೊಸ.

11 ಪೈಲಾ ತೆ ತುನೆ ಸುಜ ಉಪಯೊಗವಾಲೊ ನ್ಹೊತೊ. ಹಮ್ಮಾ ತೆ ಮನೆಬಿ ವರಿ ತುನೆಬಿ ಉಪಯೊಗವಾಲೊ ಧಯೊಸ.

12 ತಿನೆ ಹಮನ್ ಆ ತುಕನ ಫರಿನ ಮೊಕ್ಲಾಡ್ಯೊಸ. ತಿನಾ ಕ್ಹಾತೆ ಮಾರಾ ಮನಸ್ಸೆಬಿ ತುಕನ ಮೊಕ್ಲಾಡ್ಯೊಸ.

13 ಮಿ ಹಮ್ಮಾ ಸುವಾರ್ತೆನಾ ಹುತಿ ಜೆಲ್ಮಾ ರ್ಹತಾಮಾ ಮನೆ ಮದತ ಕರಾನಾ ಹುತಿ ಮಕನ ಮುಕ್ಕಿಲ್ಯ ಕೈಲಿದ್ಯೊತ್ಯಾ ಮನೆ ತೆ ಮದತ ಕರ್ತೊ ತಾರಿಬಿ ಸೆವೆ ಕರಸಕ್ಹೊತೊ.

14 ವರಿಬಿ ಎ ವಿಶಯನಾ ಹುತಿ ತಾರಿ ಪರವಾನಿಗೆ ಲಿದ್ಯಾವಾಚಿ ಎ ಪೈಸಲೊ ಲಿವಾನೆ ಮನೆ ಮನಸ ನತ್ತಿ. ಕಾ ಕದ್ಯಾಮ ತು ಕರಾನಾ ಭೊಕಾ

ಕಾಮೊ ಮನ್ನೆ ಕರೊ ಜಬರದಸ್ತಿಕ್ಕು ಕರು ನೈ.

15 ಒನೆಸಿಮನ ದಕ್ಖಾದಿನ್ನ ತುಕ್ಕು ದುರ ಥಯೊತೊ. ಕಾ ಕದ್ಯಾಮ ತೆ ಹಮೆಶಾಬಿ ತಾರಾ ಕ್ಹಾತೆ ರ್ಹವಾದೆ ಕೈನ ಇಮ ಥಯೊಸುಖ!

16 ಇತ್ತಿಲುಪ್ಪರ ತೆ ತಾರೊ ಗುಲಾ ಥಯಾವಾಚಿಜಾಸ್ತಿ ಮಯಾನೊ ಬೈ ಥಯೊಸ. ತೆ ಮಿ ಘನ್ನು ಮಯಾ ಕರುಸ. ತೆ ನೈಸೊ ತು ತಿನೆ ಘನ್ನು ಮಯಾ ಕರ. ತಿನೆ ತು ಯಕ್ಕ ಮನಕ್ಹವರಿ ಪ್ರಭುಮಾ ಯಕ್ಕ ಬೈವ್ಹೊ ಕೈನ ಮಯಾ ಕರ.

17 ಮನೆ ತು ತಾರೊ ಯಕ್ಕ ಸಾತಿದಾರ ವ್ಹೊ ಕೈನ ವಪ್ಪಿಲಿವಾನೊ ರ್ಹಯೊಮ, ಒನೆಸಿಮನನೆ ತಾರಾ ಕ್ಹಾತೆ ಮಳ್ಳೆಲೆ. ತು ಮನೆ ವಪ್ಪಿಲಿದಲ ತಿಮ್ಮಜ ತಿನೆಬಿ ವಪ್ಪಿಲೆ.

18 ತೆ ತುನೆ ಸುಬಿ ತಪ್ಪ ಕರೊಮ ತೆ ತಪ್ಪ ಮಪರ ಫಾಲ. ತೆ ತುನೆ ಸುಬಿ ದಿವಾನೆ ರ್ಹಯೊಮ ತೆ ಕ್ಹಾರು ಮರಾ ಹಿಸಾಬಮಾ ಲಗಾಡ.

19 ಪೌಲಾ ಥಯಲಮಿ ಮಾರಾ ಸ್ತಂತ ಹತೊಕ್ಕು ಎ ಕ್ಹಾರು ಬರ್ದಾಡ್ಯೊಸ. ಒನೆಸಿಮನ ತುನೆ ಸುಬಿ ದಿವಾನು ರ್ಹಯೊ ಮಿ ತೆ ಕ್ಹಾರು ತುನೆ ದ್ಯುಸ.ತಾರಿ ಆತ್ಮಿಕನಿ ಜಿವಿತನಾಹುತಿ ತು ಮನೆ ಕೆಕ್ಲೊರುಣಿ ಥಯೊಸ ಕೆಳಮಾಜ ಮಿ ಕತೊ ನೈ.

20 ಮಾರಾ ಬೈ ಪ್ರಭುಮಾ ಮಿ ತಾರಾ ಕ್ಹುಮದತ ಹೊಂದಿಲ್ಯುಸು? ತೆ ಸುವೈ ಕದ್ಯಾಮ ಮಾರಾ ಮನನ್ನೆ ಕ್ರಿಸ್ತಮಾ ಜತ್ತನ ಕರ.

21 ಮಿ ಮಾಂಗಿಲಿದಲ ತು ಕರ್ಸಿ ಕವಾನು ಮನೆ ಗ್ವತ್ತ ರ್ಹಯಲ ಹುತಿ ಮಿ ಎ ಪತ್ರ ಬರ್ದಾಡ್ಯೊಸ. ಮಿ ಮಾಂಗಿಲಿದಲತಿಬಿ ತು ಜಾಸ್ತಿ ಕರ್ಸಿ ಕವಾನು ಮನೆ ಬರೊಕ್ಲೊಲಿ.

22 ಮನೆ ರ್ಹವಾನಾ ಹುತಿ ಯಕ್ಕ ಖೊಲಿ ತಯ್ಯಾರ ಕರ.ಕ್ಹುದಾ ತಾರಿ ಪ್ರಾಥನಾ ಐಕಿನ ಮನೆ ತುಕನ ಆವಾನಾ ಹುತಿ ಮೌಕೊ ದಿವಸ ಕವಾನು ಮನೆ ಬರೊಕ್ಲೊಲಿ.

23 ಕ್ರಿಸ್ತ ಯೆಸುನಾ ಹುತಿ ಮಾರಾ ಕ್ಹಾತೆ ಜೆಲ್ಮಾ ರ್ಹಯಲ ಎಪಪ್ರ ನಮಸ್ಕಾರ ಕದ್ಯೊಸ.

24 ಮಾರ್ಕ, ಅರಿಸ್ತಾಕ, ದೆಮನ, ಲೊಕ, ಇವ್ಹೆ ಕ್ಹಾರಾ ತುನೆ ನಮಸ್ಕಾರ

ಕದ್ಯಾಸ. ಇವ್ವೆ ಕ್ಹಾರಾ ಮಾರಾ ಕ್ಹಾತೆ ಕಾಮ ಕರಾಲಾ ಥಯಾಸ.

²⁵ ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತನಿ ಕೃಪಾ ತುಮಾರಿ ಆತ್ಮಾನಾ
ಕ್ಹಾತೆ ರ್ಲವಾದೆ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕ್, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff